

ARUBA ANSE COURANT



Uw kinderen
groeien beter met
DOMO MELK
agente:
Veld Stores

Dagblad



voor Aruba

A refreshing drink
agents:
Veld Stores
7-Up.....

instala aireacondi
cionado na Bo



Cas AWOR!!
tel. 2170

DINSdag 3 JUNI 1958

No. 3146

Gran intenes ta reinando pa e inauguracion di e campeonato di Baseball 1958 cu lo tuma lugar mayan anochi pa 6:30 pm den Wilhelmina Stadion

(Di nos sportreporter)

ORANJESTAD: - Amigos lectores, porfin un campeonato lo ser inaugura aki na Aruba cu un gran demostracion, unda lo tin un defile encabezado pa Little League, pa sigui despues cu e team mayornan acompaña pa nan bandera y maracas.

Comerciantenan ta demostra gran interes pa deporte

Comerciantenan ta demostra gran interes pa deporte. Mientras cu e caballeronan solamente cincuenta cens di ta keda cu e oportunidad di doorprize, cual ta un obsequio di e bunita obsequio aki di Repair Shop J.M. Kelkboom, auto pa usa su Motorola, esawor bien cambia pa un Motorola. E obsequio aki ta un bunita mas cu entre comerciantes di Aruba tin e gran amor pa deporte, y nan lo yuda tur ora na antonnan propicio den estimula. Huntu cu J.M. Kelkboom obsequia e doorprize di machi, varios otro cas comercial orde contact te awor tambe a un apoyo den un bunita obsequio. Mientras cu e intencion di un yudanza pa manda nos jurista den e campeonato judicial lo worde celebra durante e Augustus na Santo Domingo, manan cu a worde acerca te un obsequio cu lo worde usa durante e campeonato di baseball, tur a coopera di un manera instantanea, sin vacila y cu gran interes pa deporte a obsequia un articulo. Esakinan lo worde usa durante e inauguracion di e campeonato di baseball es anja aki, y mas los worde ofrece na e publico durante henter e campeonato ariba un dia senjala, cu lo worde anuncia mayan anochi, nochi di inauguracion di e campeonato di baseball 1958. Nos ta spera di mira un enorme cantidad di publico den stadion mayan anochi, ya cu esaki ta worde inicia cu un gran demostracion di tur e teamnan, bandera, madrinan, y nos pelotonan di mayan cual ta Little League. Tur dia cu nos ricibi obsequios pa worde usa como premios den e campeonato di baseball, tanto pa publico como pa e pelotonan, nos lo publica esaki. Ayera nos a ricibi manera menciona mas ariba e doorprize di e anochi di inauguracion for di J.M. Kelkboom, cual ta un radio di auto, e mihor den mundo, cual ta Motorola. Tambe nos a ricibi for di La Venezolana, un par di zapato di fina calidad cual ta Johnsonian. Un

PA MUEBLES
TEXAS FURNITURE STORE
Emmstraat 5 - Tel. 1082 - 1083

teamnan, bandera, madrinan, y nos pelotonan di mayan cual ta Little League. Tur dia cu nos ricibi obsequios pa worde usa como premios den e campeonato di baseball, tanto pa publico como pa e pelotonan, nos lo publica esaki. Ayera nos a ricibi manera menciona mas ariba e doorprize di e anochi di inauguracion for di J.M. Kelkboom, cual ta un radio di auto, e mihor den mundo, cual ta Motorola. Tambe nos a ricibi for di La Venezolana, un par di zapato di fina calidad cual ta Johnsonian. Un

bunita sportshirt ta e obsequio ayera di e popular y conocido Don Simon. Y Neme Import and Export Co. a obsequia nos cu un bunita electric clock. Varios otro firma a promete di duna nos un obsequio of obsequios pa duracion di e campeonato di baseball 1958. Esaki lo ser altamente aprecia ya cu un bunita mas nos por mira cu tin interes general pa bienestar di nos deporte.

Gran inauguracion
Awor bolbiendo ariba e inauguracion di mayan anochi. Primeramente

nos kier recorda nos amantenan di deporte, cu esaki ta ariba schedule pa cuminsa 6:30 den Wilhelmina Stadion. Ya cu mester preparacion di e desfile.... cu no mester cuminsa

Biba mihor cu ELECTRICIDAD

mas tarda cu 6:45.... ya cu e partido di inauguracion cual ta los naranjeros di Nesbitt contra los cerviceros di Heineken mester cuminsa pa 7:30. E teamnan lo marcha al com-

MISTER BAMBA



Bailarin y cantante Cubano MISTER BAMBA, kende lo jega na Aruba dia 7 di Juni y lo actua den varios theatros y clubs. Pa hopi bende na Aruba, Mister Bamba no ta un desconosido, hopi biaha bo por a mirle riba television di Caracas, cual ta sali basta bon na Aruba.

DIARAZON 4 DI JUNI 6:30 P.M.

WILHELMINA STADION

Gran inauguracion di

CAMPEONATO DI BASEBALL 1958

Lo tin entre otro:

PARADE.....

PREMIOS PA PUBLICO Y PELOTOS

DAMAS LO TIN ENTRADA GRATIS

CABALLEROS SOLAMENTE Fl. 0.50

WEGA:

NESBITT'S vs HEINEKEN'S

pas di e marcha, mas aditant e Little League despues e teamnan cu nan respectiva banderas y madrinan.

President di ABBA lo dirigi algun palabraz na es ocasion aki.... y reina di deporte sra. Aida Jacobs, lo lanza e promer strike for di monticulo pa asina e campeonato keda inaugurado. E publico cual nos ta spera lo ser enormemente grandi, ya cu for di basta dia nan ta spera e inaugura-

Pa fresca

VITAVEG

Come comebeer diariamente

cion aki, lo tin es anochi chens pa gana mas cu un premio. E premio mayor lo ser e bunita obsequio di J.M. Kelkboom cual ta e radio di auto Motorola.

Lo tin tambe un premio especial pa e persona cu logra catch e promer pelota cu bai den tribuna. Lo tin premios pa actuacion di e pelotonan di es anochi. Esaki lo worde trata di mantene durante tur e campeonato, pa asina cada team su hungadoman tin e mesun chens. Entrada pa damas ta completamente gratis, es anochi aki.... y durante e campeonato tur siman un anochi di wega lo ser poni completamente gratis pa damas. Caballeros lo paga solamente 50 cens. Tur e partidaronan lo ser transmiti ariba terreno, di un manera sin perjudica e hungadoman. Anuncios Lo worde haci completamente gratis, na tur e firmaman cu a obsequia nos cu un articulo durante e campeonato. E campeonato di baseball es anja aki lo ser un ehemplo pa tur demas organizacion di campeonatos di diferente ramo di deporte. Asina ta queridos lectores, no lubida mayan anochi gran inauguracion di e campeonato di baseball 1958 na Aruba, inicia cu un gran demostracion, y obsequia cu un gran cantidad di premios, pa publico y peloteros. Asiti y apoya deporte.

Relato di Polis

Dalimento I
ORANJESTAD. - Daldomingo atardi pa banda di un'or den G. Madurostraat tabata un dalimento di auto entre A-3024 y A-217, respectivamente na wief G.G. y J.G.P. E gasto total ta worde halua na f 350.—. Polis ta buscando e culpable den e caso aki.

Dalimento II
E mes un dia pa 4'or y cuarto na Savaneta A-1282 mancha pa G.J.C. ta corre dal den un auto para A-1162, di cual H.M. ta donjo. Prome C. a corre bai, pero na un isla manera Aruba ta masha dificil pa scende, dos ora despues polisnan ta hanje. E danjo cu e a causa ta f 350.—.

FATUM — Tel: 1845
Pa tur bo aseguranan

A perde
Senior Koon Wong Yip a perde na Palm Beach club su rijbewijs y un milar taba di biljechi.

Destructura
Senior M.G. di Golfweg ta reporta na polisnan cu un mucha cu tin un number no mucho bon cuba sera polisan, un tal V.C. a kibra su auto cu piedra. Number di e auto ta A-2368.

Bendicion Don Bosco Club 9 Juni

SAN NICOLAS. - Awor ta sigur, cu e club nobo di Don Bosco na San Nicolas, lo worde bendiciona pa S.E. Mr. J. Holtermann. Durante e ceremonia aki, cual ta cuminsa pa 8'or, Obispo lo bai el un discurso, na unda e lo dirigi palabraz principalmente na hubentud di Aruba.

Bo ta kere?

— Meneer, ma bini cu un cuenta di mi haas.
— Ta duelmí caballero, pero lo bo mester bini despues, pasobra mi no tin plaka.
— Pero mi bini na bini mi cu mi mester keda aqui te ora mi hinja e plaka.
— Ahan, enaniba, lo mi kier a wel-ta bo bini na bini mi kien bo bai creciendo y e anjanan ta bai pisan do.

VOETBAL

ARUBA VOETBAL BOND

ta presenta:

AWENOCHI, 3 DI JUNI 8'or

den

WILHELMINA STADION

SAN NICOLAS JRS.

vs

LA FAMA

Competitie hoofdklasse 1958

ENTRADA: Tribune f 1.00

Staanplaats f 0.50

DOS MUCHA COE UN KAARCHI

VOETBAL

VOETBAL

VARIA FOI RAADZAAL

E caso di e koppi koffi venena

Anto mi ta agrega huntu e investigacion. Mi ta banja tur prueba conproba y sentencia bo pa un anja di prison cu tres luna voorwaardelijk, cu un proeftijd di tres anja, cu afrek di voorarrest y cu orde pa traha publico durante bo tempo den prison". Asina Hues ta bisa Diavienne mainta den e caso conoci di Th. A. L. kende a habra poco antirost den koppi koffi pa mira si e por trese un fin na wega cu su muher ta hungele. Su esposa ta scupi e koffi asina cu e la prubele y a avisa polisnan mes ora y e resultado menciona ariba. "Ami no por keha mucho, mr. Frank Hartong ta bisa poco poco, ora cu su cliente ta sali cu poco castigo asina.

Mantene orde
Un tal R.M.A. kende ta kauw bala mester duna cuenta dilanti di huez Diavienne mainta, pasobra e la corta su jiu bomber den su pecho. Naturalmente alcohol ta hunga parti den e rol aki, y A. ta busca su defensa den esaki tambe. Ciertu momento e ta jega cas stom burachi, y no ta dura mucho cu papa dushi ta corre tras di mama cu cuchu y mama cu un jiu ebiki riba biza ta busca moda di corre bai. Suerte cu den e familia aki tin un hoben di bon caracter ainda, y ta bula pa defende su mama, y ta pone pia pa e papa. Mama y jiu ebikitu ta scapa, y papa ta lastra den vloer.

"Mi jiu tabata riba mi, y no kier lagami los". Esaki e no ta haci sin dal e jiu un bon djente den su pecho. Esaki tampoco no ta duna resultado, y anto mi lo a cortele den su pecho". Asina A. ta defende su culpa.

Pero durante investigacion ta resulta cu semper A. ta trata su hendenan na e mes un sistema bruto.

"Pero bomber asina bo kier mantene orde". Huez Immerzeel ta bisa. Como A. su carchi di castigo ta blancu ainda e ta hanja un castigo di prison voorwaardelijk di seis siman cu un proeftijd di tres anja y un boet di fl. 50.00. Huez ta avisa pa combati e uso di alcohol, pa evita elanenan di dificultad cu e ta hanjele aden.

Kiko e ta busca den nos garashi?
Un tercio cu tipo manera Hercules cu cara grof, no suficiente tampoco pa bo por papia di barba, ta para dilanti di Huez bao di acusacion di tratamento pa horta den garashi di Wong. E historia no ta cuminsa cerca dje, pero foi e haas di garashi R.M.M. kende e anochi ay den cuestion tabata pasahero cu un sra. J.V. anochi banda di dos 5or di madrugada ora cu nan ta hiba un susto door di un desorde den garashi. Lubida completa-

mente loke nan ta haci nan ta bai loer ta kiko a zona asina, y ayi e sra, ta mira e Hercules ta camna cu un flashlight y ta lur den e autonan un pa un. Despues di a mira bon ta kende, R. ta bula di repente riba dje pa tenele, pero G. ta corre bai, y mientras cu e otro ta puntra kiko bo ta haci aki den. Hercules ta contesta cu un mangá di hero bieu y tire y ta bula muraya y corre bai.

Bon pa e memoria di R. y recordando e zona di mof di e auto cu e bomber ta hui bai aden, polisnan ta hanja G. facilmente. "Ta un radio bo tabata tin gana di pone den bo auto?" mr. Fiek ta puntra cu cuidado. Pero G. no ta cayi den trampa y ta nenga esaki.

Despues cu nan ta trata e caso cu na cas di G. nan ta hanja poco herment tambe di Lago. mr. Fiek ta tene su requisitoir. Mas cu un motibo officier ta hanja cu e por confia declaracionnan di testimonio. Ademas G. a bai den garashi pa horta un cos. Mirando cu e Watchman di Lago aki kende awor ta di shors, tin un strafkaart limpi, pero pa otro banda como e tin un puesto di semi-polis mester a comporte un poco mas decente, mr. Fiek ta exhibi tres luna di prison pe.

Den su pleidooi mr. Hartong ta duda, cu su cliente lo a bula den garashi pa horta. Di nada e por saca afo cu ta horta e bomber e bai horta, pero ta mas bien ta pensa cu su cliente ta na altura di e bishita di e senjoria den e garashi y pa e motibo ayi ta busca den e autonan cu flashlight. Esaki tabata un bon manoeuvre di e abogado y troumfante e ta hari.

Sin embargo Huez ta hanja cu G. ta parse mas un ladron cu un peeper y ta sentencia pa cuater luna di prison, tumando cuenta su trabao y di cual tempo dos luna ta voorwaardelijk.

Hortamento
E hoben B.B. durante luna di Februari a forsa dos otro mucha pa saca un radio for un auto pe. Como no ta e mes a horta e radio, officier cu si por papia di hortamento. Tres luna, di cual dos luna voorwaardelijk ta e straf pisa cu B. ta hanja. Especialmente pa e forsamto na e otro muchanan cu tur dos ta menor di edad cu ne. E mucha ta sali bai contento cu e cuenta aki ta tras di lomba robe.

Hortamento den Lago
Un bomber ebikitu cu sapata bistiti casi seis number mucho grandi pe, mester duna cuenta di gran cantidad di cosnan cu e tin di Lago na su cas. Ta parse cu foi 1955 e la cuminsa transporta nan cuba, tabata un lista grandi cu nan tin di dje, di papel di W.C., lavaseep, herment y hopi otro cos mas.

"Mi a fia e hermentnan pa traha riba mi auto". B.G. ta bisa. "Zo, cu papel di W.C. bo ta drea bo auto?" mr. Immerzeel ta puntra. Despues L. ta keda ketu numa, e tin 28 anja den serbishi di Lago.

Officier ta exhibi dos luna voorwaardelijk en bista di su carti blan-cu y resto di castigacion lo ta wafarde mas den Lago.

"Un luna voorwaardelijk y fl. 100.— di boet. Huez Immerzeel ta

Signi lesa riba pag. 3

HAVE PLENTY OF PEPSI-COLA

for family and friends



The refreshment
of friendship

Ainda nada di candidata pa Reina di Deporte pa Aruba

ORANJESTAD. — Awe na ocho dia exactamente lo ta e ultimo dia cu tin por duna nomber pa Reina di Deporte pa Aruba pa aña 1958. Manera dia por recorda pa Olimpiada di 1958 di ASU, cual lo tuma lugar den segundo mitar di e aña aki, lo worde eligi un Reina pa deporte di Aruba pa 1958.

Un poco alarmante ta sin embargo, cu te awe ningun hobencita a worde recomenda pa e puesto aki. Ainda ta resta UN siman: Clubnan haci poco liher cu eleccion di bo candidata. Tur club por recomendar huntu reina cu nan ta hanja ta bon si nan ta hiba na gusto, pero e ultimo dia pa duna nomber ta dia 10 di Juni.

Saludos Arubano foi Hulanda

ORANJESTAD. — Diarazon anochi pa ocho'or y cuarto Radio Voz di Aruba lo transmisi trobe saludosnan foi Hulanda. E vosnan cu nos ta hanja tende e bishita aki ta di Marco Quant, Maria Pietemella, Jane Halley, Kathleen Phillips, Christina Labeja, Tress Richard, Marcel de Freitas y Yvonne Noyack. Tur e hobennan aki ta di St. Jozef ziekenhuis na Venlo. Diadomingo e programa aki lo worde ripiti trobe pa 6'or.

"LA ESFERA"
obtenible na UNION STORE
Mainstreet - Saa Nicolas

Señoritanan haci bo cuffs bunita
VITAVLG
Come comcomer diariamente

Pa servicio rapido
y mihor calidad?
KEES GROCERY N.V.
(antes La Bohanza)
Tel. 1079

INTERNATIONAL
B. F. GOODRICH TIRES
Prijes vanaf Fl. 30.—
S. N. ECURY N.V.
ECURY MOTORS LTD.

HOTDOGS

NINGUN OTRO PARTI BO TA
HANJA NAN MAS DELICIOSO
NINGUN OTRO PARTI BO TA
HANJA NAN MAS MIHOR

Ademas sabroso croquetes,
sandwiches, etc., etc.

Un bon surtido di revistas — Refrescos

y ice-cream excelente

UCHEE'S PLACE

Nassaustraat — Oranjestad

PAGINATRES

Prome reunion di gabinete De Gaulle

PARIS, 2/6: — E gabinete nobo Frances a tene su prome reunion dia domingo anochi. E ministronan a discuti tres asunto: 1) formulacion di tekst dje autorizacionnan, 2) preparacion dje documento tocante alargamento di autorizacion especial y 3) revision di articulo 90 tocante e revision di constitucion. E tekst nobo cu ta worde propone pa e ultimo articulo aki, a worde entrega Asamblea Nacional.

De Gaulle ta worde asisti pa 4 ministro di estado: e prome ministro anterior Pflimlin, e secretario-general di partido socialista Guy Mollet, kende a informa cu el lo tuma su retiro como consecuencia di e desunion den su partido contra De Gaulle, no obstante su consension, e conservativo Louis Jacquinot y Felix Houphouët-Boigny di e concentracion democrático di costa di oro di Africa. Otro miembro dje gabinete ta: e ex-Gaullista Michel Debre (husticia), e embajador na Bonn Maurice Couve de Murville (asuntunan exterior), e prefecto dje departamentu Seine Emilie Pelletier (asuntunan interior) e ex-prome ministro conservativo Antoine Pinay (financien) e senador radical

ministro di trabao, Bernard Comati-Gentille, kende ta worde menciona como ministro pa territorionan ultramar (e tabata gobernador-general di Africa Ecuatorial y Occidental), Pierre Guillaumat kende lo bira secretario di estado pa e trupan y e radical Edouard Ramonet, kende lo bira secretario di estado pa comercio

y industria. De Gaulle mes lo ta ministro di defensa.

Awe tardi e gobierno-Pflimlin lo entrega e gabinete nobo su autorizacionnan oficialmente. Segun ministro Debre De Gaulle ta spera di bai Argel mayan maieta. Ayera e tabatin contacto continuo cu general Salan, Jean Berthoin (instruccion) y algun persona cu el lo bira ministro of lo bira secretario di estado. Nan ta: e socialista Max Lejeune, kende segun observadornan ta spera lo bira ministro pa Argelia, e autor Andre Malraux, kende lo bira ministro di informacion, cual puesto e tabatin den gabinete di De Gaulle despues di liberacion di Francia, e republicano popular Paul Bacon, kende lo bira

Comentario respecto eleccion di De Gaulle

PARIS 2/6: — Ayera nochi Asamblea Nacional di Francia a acepta cu 329 voto contra 224 general De Gaulle como ministro-presidente. Asina ta cu e general lo hanja poder na Francia atrobe, 12 aña y 132 dia despues cu el a entrega gobierno over, dia 20 di januari 1946.

E 224 votonan contra tabata dje 148 comunistanan, e progresivonan y como mitar dje casi 100 socialistanan, y ademas algun simpatizador di Mendès-France. E resultado dje votamentu tabata mas o menos mesos cu nan speranza. E general a lucha pa asistencia di casi tur 4 representante "democratico", esta por lo menos 400 dje 596 miembronan di asamblea nacional.

E general mes no tabata presente durante e votamentu, loke no ta comun.

Ex-prome ministro Mendès-France a declara prome cu e votamentu cu el lo conduci un oposicion constructivo. El a expresa su speranza cu e general lo tin bon exito na Argelia, pero e ta considera esey improbable.

E socialistanan anti-Gaullista tabata contra De Gaulle, nan portavos. Tanguy Pricent, a bisa cu nan no por vota pa e hombre cu e "hacidoman di desorden" a pidi.

Na Argelia nan ta contentu cu nombracion di De Gaulle y nan ta desilusiona, como resultado di formacion di su gobierno. Especialmente como resultado dje hecho cu e republicano popular, Pflimlin, a bira ministro, y pasobra Jacques Soustelle, ex-gobernador-general di Argelia, kende a scohe banda dje generalnan Massu y Salan inmediatamente y tabata un colaborador intimo di De Gaulle, no nan ta consola nan mes cu e speranza, cu e gobierno actual ta den su "prome estadio" loke tabata necesario pa evita derramentu di sanger.

Gabinete no-oficial

Di fuente bon informada na Paris a worde informa, cu e gabinete di De Gaulle lo no bira oficial y cu e secretarionan di estado lo no hanja trabao definitivamente especifica prome cu parlamento a expresa su mes en conexcion cu e proyectonan di ley, cu e ta studia actualmente.



HOMER GRANDI NA ALGERIA — Jacques Soustelle, e lider di De Gaulle kende a logra salt for di Francia mientras e ta bato di "proteccion" di polis, den conversacion cu un dama Moslem na Algeria. E dama aki a bandona Cashah buseando proteccion.

Cumpleanjos feliz

PA CORTESIA DI
KAN
E MEHOR CAS DI REGALO

Awe ta habri lista di felicitacion e hobencita Pedro Mathilda y e ta ricibi hopi felicitacion di su mama, tata, rumannan Martha, Sita, demas familia Mathilda.

Sr. Juan Kelly kende a recorda su fecha natal ta ricibi hopi felicitacion di su tata Hose, mama Anita, rumannan Toni, Martin, Maximo, Hilda, subrina y sobrinanan, amigo y amiguan, especialmente di un amiga.

Awe lo celebra su 7 aniversario e hobencita Jan Hendrik Farro y e ta ricibi hopi felicitacion di su tata Max, mama Anna Maria, wela Leonisa, rumannan Antonio, Aura, Esteban, Estelita, Editha, Julia, Maria, Pedro, Filomena, Lauriano, Medarda, Agriola, Martina, 13 subrinanan, padrino Julian, v.d. Biezen, madrina, Catarina Everon, demas familia Farro.

CADA REGALO TA BONBINI
PERO DOBEL BONBINI
Ta REGALO compra serka
KAN

Hobencita Mercedes Holsman ta celebra su cumpleanjos y e ta ricibi hopi felicitacion di su mama, tata, rumannan, especial di srta. Victoria Wijke y Rosalinda Zijlstra.

Tambe ta recorda su fecha natal e hobencita Augustino Matheo Luidens y e ta ricibi hopi pabien di su mama, tata, rumannan, wela y welonan, omo y tantanan, especialmente di Magdalena Luidens cu ta na Hulanda.

E hobencita Pedro Brenon ta celebra su cumpleanjos y e ta ricibi hopi felicitacion di su tata, mama, rumannan, Margo, Luci, Cira, Teofilo, Vera, Jing, primo y primanan, tanta y omonan su amigonan di 1ste klas di St. Martinusschool di Paradera.

Promocion serca Polisnan

ORANJESTAD. — Na polisnan dos promocion pa onder-inspector a cayi. E fortunadonan ta hoofdagent di politie R.J. de Keyzer, hefe di Verkeersafdeling na Savaneta, mientras senior K.J. van Gaalen, di recherche na Oranjestad ta otro. Sr. van Gaalen ta hanja su promocion entrante 1 di Augustus 1957 y sr. de Keyzer foi dia 1 di November di aña pasa.

STREANAN ta anuncia awe

Hendenan cu tin cu traha anochi mester bai awe cu mucho cuidao y evita principalmente di hanja nan enreda den asuntunan romantico cu por trece compromiso grave pa nan. Den asuntunan di negoshi awe ta favorable mas tanto pa esnan cu ta asocia. Anochi ta mihor relax y bai poco poco.

Avion Checo obliga pa pasaheronan di baha na Austria

Viena, 2 juni: — Tres pasahero Checo arma cu revolver di hunga, a forsa e piloto di un avion Checo di baha na aeropuerto di Aspern na Austria. Segun funcionarionan dje aeropuerto e pasaheronan a hui e avion pa un vuelo di Budjovitz na Olomouc na Checo-Slovakia. E pasaheronan tabata un muher y dos hombre.

Embador Frances a bishita Gromyko

Moscu, 2 juni: — Awe mainta e ministro di asuntunan exterior di Rusia, Gromyko, a ricibi e embador Frances, aya. El a entrega e embador un documento tocante un conferencia supremo. Den e siman cu a baha e embadornan di Merca y Inglaterra a bishita Gromyko tambe.

Pa avisa y tur correspondencia pa "Arubaanse Courant" dirigib na: Nassaustraat 35, Oranjestad. Telefon: 111. Direccion y Aviso: 3116 - Redaccion y Suscripciones. Numero avisa di ARUBAANSE COURANT por wordo abini na San Nicolas na Union Store, Mainstreet.

AGENDA
Diamars 3 di Juni
C 1 N E
DE VEER 8:30:
Knights of the Round Table
RIALTO 8:00: La Huella del Chacal
PRINCIPAL 8:00: No me olvides nunca
AURORA 7:30: Dance with me, Henry!
SAVANETA 7:30: Puccini

ACCION DI HONIG
Compra awe mes Macaroni i Spaghetti marca HONIG i lo bo haya jelly pudding marca HONIG gratis.
Informa na bo tienda

Parteras, enfermeras, etc.
Zr. M. vd Mark, tel. 1557
Rondweg 1, Dakota.
Zr. Braumuller, tel. 1355,
Wilhelminastraat 22, Oranjestad.

Biba mihor cu ELECTRICIDAD

RADIO KELKBOOM
11:30 Bienvenido Granada
12:00 Lunchmuziek
12:25 Nieuwsberichten (Boekhandel)
12:45 Musica norteamericana
12:55 News in a Nuisshell (Viana)
1:00—1:30 Musica varia
4:00 Rancheras
4:30 Daniel Santos
5:00 Programma Winkel
5:30 Edmund Ros
5:45 Asi Cantaba Cuba
6:00 Boleros
6:15 Cumpleanjos feliz
6:30 Dinermuziek
6:45 Voorlichtingsdienst
7:00 Notities (Pap.) di Schlitz
7:15 Maria Victoria
7:30 Musica Hulandes
7:45 Nieuwsberichten (Boekhandel)
8:00 Musica norteamericana
8:15 Cuando la Noche Cae
8:30 Padu del Caribe
8:45 Orquesta Sublime
9:00 Peticiones
9:30—10:00 Conjunto Casino

TAORO - GUYABA juice

RADIO CARACAS TELEVISION
Canales 2, 7 y 10
7:15 Marcha oficial
7:27 Informacion sobre los programas del dia
7:30 Lo de hoy
9:30 Pelicula
11:00 Cita a las once
12:00 Show de las doves
1:15 Novela Palmolive
1:30 Noticiero del mediodia
2:00 Pelicula
4:00 Club femenino
5:00 Cosas de mujeres
5:30 La perfecta ama de casa
6:00 Circo en el aire
6:15 La voz de la revolucion
6:45 Encuentro con la vida
7:00 Bartolo y sus Bartoladas
7:15 Novela Unico
7:30 No diga no... No diga si
8:00 El Observador Creole
8:15 Preguntas deportivas
8:30 Martin Kane
9:00 Novela Camay
9:15 Novela L & M
9:30 Ciderama
10:00 Con los Ministros
10:30 Cine-programa
12:00 Marcha oficial.

y... MESKER ta drecho mi MUEBELNAN

Guardia Israelita a mata un Arabe

Amman 2 juni: — Un habitante Arabe dje pueblo Heleisayiyeh na frontera die territorio Encavado riba e ceru Scoptus a muri awe ora cu guardia Israelita ta tire. E guardianan ta di e hospital di Hadassah, y nan a tira riba e habitantenan dje pueblo pa stroba, nan di bai Jerusalem. Dos otro Arabe a hanja herida.

E comision di Nacionnan Uni pa supervision dje armisticio a ricibi un keho tocante e asunto. E prome ministro Jordanes, Damir Rifai, ta discuti e situacion cu general Carl von Horn, e hefe di estado dje comision pa supervision riba e armisticio.

pasobra mi ta comprende cu mi no ta sirbi pa haci esai".
"Lo mi quier mix un pa bo, contal cu mi muhe alomenos no culpa mi di... un complejo di inferioridad. Quico bo ta bisa, mi amor?"

Olga no a digna na duna e un contesta i e la bira lomba p'e. El a queda ta sagudi e shaker, como si fuera e no a pone tino riba loque Olga a haci.

"Qui un amistad stranjo esun di bo so ta. Un amistad cu a existi den nubia".
"Enberdad, hasta lo bo por jani e amistad eterica, cu e no a pone bo pensa riba inconsciencia of temporario. Huntu nos a salba di un peligro i ta p'esal nos ta considera nos como dos ruman ohochi".

"Un comparacion comovedora".
(E ta sigui)

Un desgraci por sosode tur caminda....

Pero e pida nan chiquito di glas di bo bril no tin mester di afecta bo wowo.
Nos por cambia e glasnan di bo bril pa Safety-glasses, cu no por quibra!

ODUBER & KAN
Opticonan den Nassaustraat No. 47

Oduber & Kan inc.
Opticians tel. 2193

TA PRESENTA
Cada dia tin su secreto

Pa TUYUCHI
No. 24

"I ora ta semper un ansia sin motivo, pasobra cu e catastrofe bini, nos ta mira cu nos por biba sin e persona unica i cu mundo tin amorian na abundancia cla i dispuesto panos. Nan ta manera fruta na palo pa piki. Bo a ta hanja?"
"M'a exagera mi den bo. Amor cu ta bisi: Abo i mingun otro, ta esun mas bunita."
"Bunita pero mentira. Tin un cantidad otro."
"Ewe ta lastima".
"Lo mi hanja masha terrible si mi mester stroba anochi di un parcia-recien casa, un mihor romantica. Mi cuido ta resultado dje mundo cruel den cual nos ta bibando".
"Bo ta papia dje crueldad di un mundo na un manera asina liviana cu mihe venidero... I e ora ai tur cos ta bira complicada. I mi decid di tuma e prome aeroplano cu mi por a hanja".
El a queda ta mira pensativo den su glas. "Paquico bo ta pensa cu Elena, e reina di belleza ta permiti mi awe nochi na tuma parti cu'e na diner envez di benta mi vitriolo den mi cara, manera cu lo prefera di baci?"
"Mi ta quere cu ta pasobra amor por perdona hopi".
El a hui.

"Mi Gran Caudilla. Mi tin un idea asina cu hamas bo cunja amable lo por perdona mi e dos dlanan di mi discion. Pero entre venganza i ami bo ta hanja appelsinan".
"Appelsinan?"
El a pone su glas riba bentana i a sigui ta dol algun paso door dje cuarto cu su man tras di su lomba.
"Si, appelsinan. Miles i miles cah di California, Rondó, frescu, molli, nechi empageta den papel di celofan cu e inscripcion: Appelsinan Wyne, Sur-California". Ta e appelsinan aki a ocasiona mi exito den bida. Pero mi no ta haci ningun husion tampoco. Quico lo mi por ta, sin e appelsinan al?.. Un tercio loco cu un barba soquete, quende su flohedad ningun hende no por soporta. Pero mi ta pasa rond mundo cu mi aureol di appelsina — i danki Dios p'e, nan ta lubida tur cos. Havia mi barba cu den e tempo aqul ta un absurdez, un barba diabolico, unico, pero atractivo, esai mi ta bisa sin orgullo".
Pa di prome bez foi durante su yegada foi Spaña y muhe hoben aqul tabata sintie en realidad un poco alivia cu motivo dje conversacion aki cu Dick. E tabata mas mahos cu bunita. Pero toch e tabatin algo atractivo cune den su wowonan bunita i brillante color di oro. Su cachete un poco largo i su boca semper harioendo tabata haci e hombre aqul un compania atractivo. E tabata klets hopi over di bida. El a comprende cabae energia di bida dje hoben aqul foi dia cu el a contra cun'e na acrosayuna huntu. Dick tabatin un manera correcto di procede, un mezcla di brutalidad i finca.

"Appelsina", Olga a ripiti. Esai nan ta esteticamente atropol. Nan ta decorativ i nan ta hole dushi. Mi ta quere cu aya ta bo ta Rey di appelsina...".
"Na Sur-California, na Massachusetts... i mi quier puntra mi mes ta paquico bo a pensa cu m'a naca na Massachusetts".
"Paquico no por tabata?" Olga a puntra na e mes un tono.
"Nan tur dos mester a hari awor. Mi bondadoso abuelo a establece alomenos un cien anja pasa den California i el a bai aya cu e muhe cu el a scohe durante su miles viajenan. Mi abuelo tabata jama Daniel Wyne i abuela cu tabata un Spanjo su nomber tabata Cenciencia. El a nace na Valencia, meimei dje centronan di appelsina. I como un hombre cu ta mira adilanti, mi abuelo quier a preveni cu mi pais asina leu. Dje nalgia di su pais asina leu. Dje nalgia di el a compra terra aya i a diel na planta appelsina. Masha hopi palo di appelsina. I na principio di aña mi abuelo tabata goza masha ora cu e palonan numeroso aqul tabata florida. I ta solamente e simpleza aqul e fortuna di familia Wyne. Roman dico, no? Quiza mi historia lo por

ta un poco idealiza. Pero paquico dancia i historia aqul door di agrega a-cerea cu mi abuelo Wyne tabata un bruto i cu su muhe na su edad di treinta anja tabata pisa 180 liber".
"Ya b'a dancia esai eaha".
Nan tur dos tabata basha grito di harimento awor manera dos amigo cu tabata conoce otro masha tem cabu. Ta ridiculo com mi por tin tanto simpatia asina pa Dick Wyne, quende apenas mi conoce. Olga a pensa. El a trata na trece den su memoria e momento cu e tabata sintia banda di dje den avion i cu e tabata goza di su olor agradabel di bon cau de cologne i sigarianan di Egipto di nacara prima.
"Mi tin anto sanger den mi niemi-bronan", el a continua. "Mi gran abuelo a sinja mi idioma i dia mi tabu-tin euter anja ya mi tabata asombrá mi colega den e kleuterschool cu e expresionnan di: 'Hombre! Caramba'. Papa i mama a sigui cu plantamento di appelsina. Un familia stranjo, esun di mi mi unico tarea ta di resigna den mi sombra". El a leun contra murayanan. I larga nos papia over di ho awor. Necesariamente mi quier sa algo mas di bo".
Olga a bira inseguro.
"Den mi bida no ta aparece appelsinan".
"Mechanero, ainda. Mi no por wanta concuerntenan".
"Mi a tin tampero abuelo of abuelan cu ta loco cu oranje-bloesem. Mi no por bai sosega bato di sombra di ningun sorto di arbol, simplemente pasobra mi no ta posee nada".
"Esa ta inhuisto, Olga, bo no mester bisa asina".
Xavier a drenta. El a cambia su paña i pa di prome bez Olga a mi-

re correcto. E flus pretu a quede famoso i a pone su figura slank i su color bleek sali mas mehor. E bishita aqul e tabata bon feita i su cabai no tabata bruba, pero tabata i strik plat i tabata lombra manera spici.
Sosteniendo riba un garoti el a camina bini acera i a bisa mientras el a baha un cocktail p'e mes.
"Bo ta terrible irrazonable querida".
Na e palabra querida ai consuntivamente Olga a garra su mannan den otro.
"E cas aqul ta di nos i e ta tira un sombra grandi. I pa falta di arbolnan bo tin aoui un busto di nos pover André... cu varios bez ta duna nos sombra. Ta quen a traha e terrible bebidu aqul?" el a grita. "Bo tin mal suerte, Wyne. Nos crar a mix awe e bebidan cu un mal man".
"E crar no tin falta. Pero ta riba ami bo mester ta rabia, pasobra ta mi a mix e bebidanan. I mi ta pidi bo humildemente excuus".
"Aleatorio. Ta mi mester duna bo mi excuus". Xavier a sonrei. Olga a custumbra casi caba cu e grimas alta-nera cu tabata nifica sonrisa pa Xavier. "Lo mi no trata na quita ningun hende su smaak, pero den asunto di bebidu mi ta masha malhadado. I ta claro cu e cocktail aqul no ta nada na mi smaak".
"Mi ta di acuerdo cu bo, pasobra foi prome gata cu mi a bebe, mi tabata sa caba cu e no tabata bon". Dick a reconoce.
"Si bo quier drecha e asunto, anto nos ta duna bo cheas di prepara un otro mihor".
"Esa si mi no ta risca haci mes,

EL CISCO KID

Por José Salinas y Rod Reed



Pancho y Cisco se preocupan por su la con nan lo juda Gatillo, pishora foi dia cu e la casa, e no a mishi cu ningun arma. Mientras Yanez cu su socio ta na caminda, pa e bin vinga su ruman. Y e socio ta punte ta kiko e lo haci, e ta contesta, mi ta tira Gatillo mata, mei mei di caja. Despues nau ta sigi combarsa y e ta bisa, si ta berdad cu Gatillo no ta usa arma mas, foi dia cu e la casa, mas mehor pa mi, pero e otro ta contesta mi no ta kere esei. Lo e perde su libereza si esei ta berdad. Pero Yanez ta sigi y e ta bisa, aunque ta mescos, lo mi mate, lo mi muestranan cu ami ta e mihor pistolero.

Tom Richardson, detective di fama mundial

ASESINATO DI LOUIS ARQUE

Pa TUYUCHI

Entierro di Louis Arque a tuma luga den tercer dia di suceso tragico, un gran numero di amigonan di millonario a companja e defunto na su ultimo luga di sosiego. E mucha muhe no tabata presente na e entierro. E tabata mucho bao di impresion di desmayo. Tur e particularidadnan aqur Richardson a tende foi reportnan di detectivenan. Tambe el a tende cu riba e mes dia Charlotte Arque a ricibi un telegram foi Francia cu tabata resona asina: „Miss Charlotte Arque, New York, Quinta Avenida 682. Profundamente comovi pa morto di mi querido ruman. Mi ta sali majan cu „Pennsylvania“ foi Havre; mi tin seis dia na New York. Mi ta spera cu nan lo a arresta e malhado asesino. — Profesor Arque.”

Como cu Richardson tabatin masha hopi cos di haci, ta te su maneece a nochi e por a yega na cas di Sr. Arque, mientras masha libe e asistentnan a bin trece nan rapport p'e, respectu tur loke a socede. I mientras nan tabata dun'e rapport, e mucha muhe a bandona e cas inespera, bisti na rouw.

Morrison i e maestro a secunde unbez i nan a eumizna ta persigui Charlotte quende aparentemente tabatin masha pura. El a sali Quinta Avenida i a drenta Parque Central, unda el a cai sinta riba un hanki cu tabata queda banda di un lago. Morrison a sconde tras di un palo, mientras Richardson sin haci di ninimo ruido a drenta un dje boshinan di sumpinja banda dje banki, di moda cu e por a tende i mira tur cos cu por a bin pa sa.

PA MUEBLES TEXAS FURNITURE STORE Emmanstrat 5 - Tel. 1082 - 1083

Sonjolente e mucha muhe a queda ta mira na e superficie lombrante dje awa. Tur cos den su alrededor tabata parece asina silencioso i dje manera ei a pasa algun minut, cu tabata parece manera siglonan pa e detective.

Porfin — como si fueri el a ser movi pa un torza misterioso — e mucha muhe a hiza su cabes i a dirigi su bistanan net riba e boshi di sumpinja su dilanti.

Richardson tambe tabata mira den e mes direccion, ora cu alafin el a descubri un figura di hende meimei dje takinan, cu tabata queda ta fiha Charlotte cu wowonan cu tabata saca chispa di candela.

E wowonan aqur tabata parece manera di un animal silvester of di un fantasma; e hobencita no por a quita su bista foi e figura aqur. Unbez su figura elegante a bira stiji, su man-

nan a cai slap na su costia i el a queda para manera un husto. E ora ai Richardson a mira con un homber largo a sali foi den e mondi i a acerka Charlotte silenciosamente. El a queda para net su dilanti i a queda ta mir'e continuamente cu su wowonan ardiente. No obstante e seguridad cu tabata cayendo, sinembargo Richardson por a distingui cara dje homber aqur masha bon, cu el a primi den su memoria. Despues di algun momento di silencio impresionante, e desconocido a haci uso di palabra. „Bo conoce mi?“ el a bisa na boz dominante.

Indonesia ta tuma medidanan drastico pa suprimi rebelion

DJAKARTA 2/6: — E autoridnan militar na Djakarta a duna order pa cerra e agencia di prensa independiente Indones, PIA, indefinitivamente. Esaki ta segundo biaha den un anja di tempu, cu PIA mester stop su servicio di noticia.

E order pa cerra a bini, despues cu PIA a publica un noticia erroneo, segun cual Indonesia a cuminsa compra avion di reaccion „MIG“ cerca Rusia.

E dia despues e agencia di prensa a publica un correccion, segun cual e avionnan a worde compra na Checoslowakia.

E corant independiente „Indonesia Raya“ tampoco no tin permiso di sali.

Supresion completo di rebellou E rebelion na Indonesia lo worde suprimi completamente, asina prome

Tunesia a pidi Inglatera arma

LONDEN: Un portavos di ministerio di asuntunan exterior Ingles a informa, cu Tunesia a pidi Inglatera arma.

E portavos no tabata kier duna mas detalles. E no tabata kier bisa mes si gobierno di Inglatera ta studia e peticion.

Rey Feisal huramenta como president di Union Arabe

AMMAN: Rey Feisal di Irak a worde huru na Amman como presidente dje union Arabe di Jordania i Irak. Esaki a sosode na e prome reunion dje parlamento federal.

E ex-prome ministro di Jordania, Said el Moufti, a worde nombra presidente dje parlamento federal.

Paz na Panama

PANAMA: E guardianan dilanti dje universidad di Panama a kita a vera despues di negosacion entre gobierno y e estudianenan rebelloso.

Prinses Irene a confirma

Miembro di Eglise Nationale Vaudoise DEN HAAG: S.M. Reina Juliana a atende huntu cu prins Bernhard y e prinsenan Beatrix y Margriet ayera tardi na Lausanne confirmacion di prinses Irene como lidmaat dje „Eglise nationale vaudoise“ dje canton Suissa Vaud.

E confirmacion a worde haci pa ds. Charles Bergier, dominee dje comunidad Saint Francois dje Iglesia reforma cantonal. Prinses Irene a hantja les di catishashi di ds. Bergier tambe.

Y cu esaki e estudianan dje prinses Beatrix a yega „Ginebra ayera den un avion di cual prins Bernhard tabata piloto.

Nan a bai Lausanne inmediatamente pa pasa e weekend cu prinses Irene, kende ta studia aya na e universidad.

Dialuna mainta S.M. y prins Bernhard a bolbe Hulanda.

Biba mihor cu ELECTRICIDAD

Nos familia Real na Lausanne

Ginebra, 2 juni: — S.M. la Reina y prinses Beatrix a yega „Ginebra ayera den un avion di cual prins Bernhard tabata piloto.

Nan a bai Lausanne inmediatamente pa pasa e weekend cu prinses Irene, kende ta studia aya na e universidad.

Dialuna mainta S.M. y prins Bernhard a bolbe Hulanda.

Septimo congreso di Partido Comunista Bulgaro a cuminsa

Sofia, 2 juni: — E di 7 congreso di partido comunista di Bulgaria a cuminsa su trabaoan awe, asina e agencia di prensa di Bulgaria a informa.

E prome reunion, atende pa prome ministro Krushchev di Rusia, a worde inaugurado pa Teodor Jivkov, prome secretario di partido comunista di Bulgaria.

Bukinan na idioma Oriya

Nan ta cabando actualmente na Estado di Orisa na Noordost di India un empresa notable di traducionnan.

Ta haci algun anja cu e escritor y editor Prafulla Chandra Das, miembro di Pen Club internacional a forma na Cuttack un sociedad pa traducion di elasiconan mundial den idioma Oriya, cu ta idioma indiano, ruman di Bengali, cu e 11 millio habitantenan di Estado di Orisa ta papia. Denter e obranan cu ya ta publica caba tin varios di premio Nobel: Paer Lagerkvist, Andre Gide, Hemingway, George Bernard Shaw, Knut Hamsun, Pearl Buck, Romain Rolland, Juan Ramon Jimenez, Hallour Laxness.

Agradablemente presenta y encuadernado, cada volumen ta contene un prefacio autografico dje autor. T.S. Eliot por e-hemplo, ta skirbi den e prefacio na un seleccion di su poemanan: „E mayor servicio cu por haci na poesia di otro paisnan y otro idioma ta consisti den estimula i inspira na nos poetanan. Ta p'esai mi ta dedica e version di mi poemnan na poetanan contemporaneos di idioma Oriya.

Welga na Londen ta sigui

Londen, 2 juni: — E discusionnan na Londen pa termina e huelga di 50.000 chofer di bus na Londen, cu ya a dura 28 dia, no tabata tin resultado; e discusionnan a dura 14 hora.

Censura a worde anula na Francia

PARIS: E comision pa asuntunan interno di asamblea nacional di Francia a aproba ayera noch e proyecto di ley pa alarga e autorizacionnan es-

LECHI EVAPORADA DI BACANAN CONTENTO



TA HACI TOER MUCANAN BIRA MAS CONTENTU

pecial pa Argelia cu 25 voto pro, 11 contra y 4 abstencion.

Ministro di informacion a informa, cu e censura riba noticia a worde anula.

General De Gaulle ta prome ministro y tambe ministro di defensa den e gobierno Frances nobo.

Combersacion entre Salan y De Gaulle

General Salan a anuncia via radio-Argel, cu awe e tabatin un combersacion telefonico cu general De Gaulle. Esaki a informele, cu Diarazon el lo bai Argel y el a suplica poblacion dje pais pa mantene confianza den dje y keda tranquil.

Demonstracion anti-Gaullista

Durante demostracion di anti-Gaullista den cercania di Place de la Republique, na Francia, 10 hende a hantja herida. E centenares di demostrante, a cuminsa bringa cu poliz, kende a usa e klopnan.

Durante un tal demostracion na parti sur di e capital tabatin tambe algun herida. Hopi demostrante a worde detene.

Tin informacion tocante tal demostracion den e provincia tambe. Na Mauseille, Rouan y Avignon grupo di demostrante a worde dispersa. Algun hende a worde arresta.

Merca ta satisfecho cu solucion di crisis Frances

WASHINGTON: Casa Blanca di Merca a publica un declaracion, den cual e ta bisa, cu Merca ta satisfecho, pasobra e crisis na Francia a worde solucionada.

Merca ta desea Francia bon exito den e tareanan cu e mester haci, y Merca ta spera di mira e relacionnan intimo amistoso continua.

Den circulan Ingles na Londen na ricibi e noticia di e investidura di De Gaulle cu alivio. Nan ta di opinion aya, cu Francia a evita e peligro di mas grandi pa su union des-de fin di guerra, pa medio di esaki.

Pero den capital di Inglatera nan ta spera sinembargo, cu e relacionnan entre Francia y e otro paisnan dje alianzanan occidental lo bira un poco mas inflexible cu antes.

Carta Ruso na Merca respecto control di experimentonan atomico

WASHINGTON: E prome ministro di Rusia, Krushchev, a propone Moscu na lugar di Ginebra como sitio di e estudio tecnico dje metodonan pa controla suspencion dje experimentonan cu arma atomico.

E prome ministro Ruso a puntra presidente Eisenhower den un carta si e reunionnan propone di profesor por worde extende pa inclui profesor di India, Polonia y Checoslowakia.

Funcionarianan na Washington, cu a informa esaki, a bisa cu e carta di Krushchev ta en general un contesta favorable riba e proposicion di Eisenhower di dia 24 di Mei, pa e discusionnan tecnico cuminsa na Ginebra, 3 siman despues dje dia, cu Rusia a acepta e arreglonan propone.

Ley di emergencia pa Algeria a keda alarga

Inglatera tambe ta sostene De Gaulle

PARIS, 2/6: — Asamblea Nacional di Francia a expresa su mes cu 337 voto contra 199 na favor di alargamentu dje leyuan di emergencia pa Argelia. Prome cu esey e comision pa derecho general di vota a presenta algun correccion dje proyecto di ley, segun cual mester ta prohibi pa interveni den asunto, cu segun tradicion constitucional ta reserva pa ley; e libertadnan publico of di circulacion, e procedura criminal of e reglanan di votamentu.

Di fuente bon informa na Paris a worde informa cu e gabinete di De Gaulle lo worde instala oficialmente despues cu parlamento a expresa su mes en conexion cu e 3 proyectonan di ley.

Inglatera tambe ta sostene De Gaulle

E embahador Ingles na Paris a entrega general De Gaulle un mensahe di prome ministro MacMillan awe

mainta. Den su carta na De Gaulle prome ministro MacMillan a bisa, entre otro cu lo ta un gran placer pa haci e amistad entre nan, cu a origina den guerra, mas intimo y pa nan colabora na beneficio di e idealnan comun. Den su contesta riba e carta di MacMillan De Gaulle a bisa entre otros: „pos lo tin hopi di haci huntu y mi ta spera esey cu hopi deseo“.

MacMillan a menciona e „Jazonan inseparables di amistad y idealnan comun“ entre Inglatera y Francia, De Gaulle a bisa, cu e tin e mes opinion en conexion cu e relacionnan entre e dos paisnan.

Authoridnan ta descubri cadavernan

TUNES: — Autoridnan di Tunes a descubri cadaver di seis ciudadano na Oued el Achouch, cerca Remada, asina servicio di informacion Tunecino a informa. Ademas nan a hantja cadavernan di dos ciudadano asesina y e restonan carboniza di un ciudadano Tunecino.

E trupanan Frances a worde acusa di e secuestra 8 ciudadano; dos di nan na Remada y tres na Kambout. Ademas a worde informa cu e trupanan Frances a tira riba e scol na Remada cu mitrailleur y a saquea e scol. E cabez di scol, su esposa y nan 3 junan a desaparece.

Embahador Ingles na Moscu den conferencia cu Gromyko

MOSCU: — E embahador Ingles na Moscu, Sir Patrick Reilly, tabata tin un encuentro di tres orario di hora riba su mes peticion, cu e ministro di asuntunan exterior di Rusia, Gromyko, tocante convocacion di un conferencia supremo.

Na Londen nan ta di opinion, cu Inglatera, Francia y Merca ta dispuesto na contesta e ultimo nota Ruso y e memorandum tocante discusion supremo, cu a worde entrega na e potencionan occidental, dia 5 di Mei.

Suspencion di creditonan na Yugoslavia

BELGRADO: — E ministro di asuntunan exterior di Rusia, Gromyko, a entrega e embahador Yugoslavo na Moscu un nota den cual el a informa, cu Rusia ta suspender na un periodo di 5 anja e entrega di creditonan, cu el a duna Yugoslavia en virtud di dos acuerdo cu a worde firma na 1956, asina e agencia di prensa Yugoslavo, Tanjug, a informa. E nota Ruso a informa cu tin posibilidad di un compensacion a base di transaccion comercial cu a tuma lugar caba.

Cuba lo participa na weganan Centro-Americano y Caribe

HAVANA: — E director di deporte di Cuba, Jacoba Saif, a priminit apoyo dje comision nacional di deporte di Cuba pa Cuba tuma parti na e weganen Centro-Americano y di Caribe, cu lo tuma lugar na Caracas na November. Angel Zambrano, e presidente dje bond di baseball di Venezuela y Luis Felice Rodriguez, un miembro dje comision Olimpico Venezolano, kende a bishita Saif como representante oficial di gobierno Venezolano, pa invita Cuba pa tuma parti na e weganen, a haci e promesa aki.

Control pa avion civil como avion militar

WASHINGTON: — Consejo Mericano pa aviacion civil a anuncia establecimiento di „ruta aereo super“, cu lo haci posible pa controla for di terra vueltonan na Haltura di 5100 te 6600 meter.

E controle aki ta di vigor pa tantu avion civil como avion militar.

E corredor aereo lo tin un anchura di 64 km. E avionnan mester cumpli cu e arreglonan nobo pa nan vueltonan.

Departamento di defensa a aproba e arreglonan nobo. E arreglonan nobo tabata necesario como resultado dje varios desastrenan den laria den ultimo tempu.

Aki un luna otro satelite Americano

Washington, 2 juni: — Presidente Richard Porter dje programa Mericano pa satelite a anuncia na Washington cu aki un luna Merca lo trata arobe di lanza un satelite. Pa e anja aki tin cinco lanzamentu mas riba e programa.

For Diaper Rash



THE FIRST AID KIT IN A JAR

Ad No. 7167-6

1 col. x 40 lines

McCann-Erickson (Canada) Ltd.

ESAKI TA ALGO !!

INCREIBLE PERO BERDAD VESTA

gasstoves

Di Fls. 135 pa riba

Esaki ta posibel

unicamente na

Mansur

Trading Co.

Reina Elizabeth ta inspecta

Reina Elizabeth di Inglatera, kende ta capitan general di artilleria real, a haci un bishita na Woolrich pa e inspecta e artilleria. Para den un Land-Rover aki e ta corriendo pasa e proyectilnan dirigible, na unda e armanan di mas moderno cu Inglatera ta dispone di dje, ta instala.

PEPITA

Por CHIC YOUNG



Mira mi cuanto dia caba, Lorenzo tabatin idea di pone un slot pa e porta di banjo.

Pero semper ta sosode mescos.

Awor net e ta den banjo e ta sinti batimento na porta, y algun stem ta grita, Isabel nos a jega.

Awor ta esaki e ta bisa den banjo.

Pero prome cu e la hantja un chens ata tres senjora a drenta ban-

jo, nan tres ta esclama, dispensa nos, nos a kere cu ta Isabel Nos a equivoca nos den e cas. Tur e cas nan ta mescos, e ta sigi

Pero awor Lorenzo no pnr wanta mas buo di awa e ta rek sit curpa y ta grita stop di duna explicacion y laga cai.

Ora Lorenzo a caba di banja e la suhi trapi cu un cara masha rabia, mientras e ta bisa mi ta bai pinta e cas blauw cu bala corra.